

وعلى الله قصد السبيل | تحت راية السنة 2 | لقاءات الكويت |

للشيخ الحويني

أبو إسحاق الحويني

بسم الله الرحمن الرحيم اسعي لنصر العباد وارتدي بالوثاد كالغيث اجري وخلفي ماء الذي تركه المسلمون من الكتب لخدمة الكتاب والسنة لو وضعت كتابا بجنب كتاب لغطى الكرة الارضية - [00:00:00](#)

وعلم الحديث الحقيقة هو علم خادم اي ان كل العلوم تحتاج اليه وهو لا يحتاج الى شيء من العلم فنحن مع اشرف بيت عرفته الدنيا واعظم زوج عرفته الدنيا وهو النبي صلى الله عليه وسلم - [00:01:47](#)

فقال النبي صلى الله عليه وسلم لها لعائشة كنت لك كابي زرع لامك برغم الصدود اني اراكم اسودا انا لما ذهبت الى الشیخ الالباني زهبت يحملني الشوق عینی كانت كالكاميرا المسجلة. اذني التقطت كل شيء حتى المجلس الذي - [00:02:31](#) رفض ان اسجله في داره وآ فيه قصة انا احفظه عن ظهر قلب احفظ كلماته واحفظ آآ تعبيرات ووجهه وهو يتكلم انت دمار الركود. لا اعلم نبيا من انبياء الله صلوات الله وسلامه عليهم - [00:03:11](#)

رزق باصحاب كتبينا الناس رجالان رجل متبع للوحي ورجل متبع لهواه وما ثم الا وحي او هوى واحدة من الاثنين ولا تطبع من اغفلنا قلبه عن ذكرنا ادي الوحي. واتبع هواه. وكان امرؤه فرطا. من كل ارض انادي - [00:03:43](#)

وجمال الضفدعه وحلاؤه هي مقرفصة كده وتبرق لك كده والكلام ده كل ده ايه موجود هناك زي آآ مسلا ابتسامة اجمل معزة ها اه مش في مسابقة جمال المعیز وعین المعیز وملكة جمال المش عارف الخرفان والكلام ده. الله المستعان - [00:04:21](#)

لدرجة ان في مرة واحد كان بيقرأ بيصلی المغرب بالناس فالله بيقرأ ايه؟ الهمم التكاثر يقول رد يا ابني الهاكم الهاكم في الآخر قالوا احنا غلطنا في البخاري قال لي يا ابني ده قرآن. الله غلط في البخاري ايه؟ ده قرآن يا ابني - [00:04:51](#)

طيب هو لما يقول كده بتلقائية هو احنا يعني غلطنا في البخاري؟ ده اشارة الى ايه اشارة الى مكانة الكتاب بسبب اجلال اهل العلم لكتاب البخاري اما بعد ايهما الاخوة الكرام - [00:05:14](#)

ويسر المراقبة الثقافية بادارة مساجد محافظة العاصمة ان تقيم هذا الاسبوع الثقافي والذي جاء بعنوان تحت راية السنة وهو سلسلة من الدروس والمحاضرات لشيخنا الجليل والمحدث العلامة الحبيب ابي اسحاق الحويني - [00:05:59](#)

اسأل الله تبارك وتعالى باسمائه الحسنى وصفاته العلى ان يمد في عمره وان يبارك في علمه وان يبارك له في اهله وماله وولده وان يبارك لنا في علمه ونمتعدنا به ان شاء الله عز وجل - [00:06:29](#)

وهذه بداية هذه المحاضرات والتي ستستمر لمدة اربعة ايام وكما ذكرنا بعد صلاة العصر اليوم ان هناك درس لطلبة العلم في مصطلح الحديث وهذا سيكون لمدة اربعة ايام ثم بعد المغرب - [00:06:51](#)

هناك محاضرات من المغرب الى العشاء وقد تمتد الى ما بعد صلاة العشاء وهذه نترك المجال فيها لشيخنا ليتقدم لنا ما شاء من احاديث المصطفى صلى الله عليه وسلم. عليه وسلم - [00:07:17](#)

وليمتعدنا فيها بما من الله عز وجل عليه من علم والآن اترك المجال لشيخنا فليتفضل مشكورا مأجورا باذنه سبحانه جزاك الله خيرا ان الحمد لله تعالى نحمده ونستعين به ونستغفره - [00:07:33](#)

ونعوذ بالله تعالى من شرور انفسنا وسیئات اعمالنا من يهد الله تعالى فلا مصل له ومن يضل فلا هادي له وشهاده ان لا الله الا الله وحده

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدى هدي محمد صلى الله عليه واله وسلم وشر الامور محدثاتها وكل محدثة بدعة وكل بدعة ضلاله وكل ضلاله في النار - 00:08:11

اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد كما باركت على ابراهيم وعلى آل ابراهيم - 00:08:36

العالمين انك حميد مجيد اخرج الامام النسائي والترمذني واحمد وغيرهم وصححه ابو عبدالله الحاكم في المستدرك من حديث النواس ابن سمعان الكلابي رضي الله عنه قال قال رسول الله صلى الله عليه واله وسلم - 00:08:54

ضرب الله مثلا صراطا مستقيما وعلى جنبي الصراط سوران فيهما ابواب مفتوحة وعلى الابواب ستور مرخاة وعلى رأس الصراط داع يدعو يقول يا ايها الناس ادخلوا الصراط جميعا ولا تتعوجونا - 00:09:22

وداع يدعو من فوق الصراط فاما الصراط فهو الاسلام واما السوران فحدود الله واما الابواب المفتوحة محارم الله واما الداعي الذي يدعو على رأس الصراط فكتاب الله واما الداعي الذي يدعو من فوق الصراط - 00:09:52

فهو واعظ الله في قلب كل مسلم هذا الحديث الجليل افتتح به الامام الترمذني رحمة الله تعالى كتاب الامثال من سنته لان هذا المثل لخص الاسلام اجمع ولم يترك شيئا - 00:10:23

الا يندرج تحته الامثال من باب المبين فلا يوجد مثل غامض قط الذي لا يفهم المثل ينبغي ان يبكي على نفسه وقد روى ابن ابي حاتم في تفسيره بسند صحيح في سورة العنكبوت - 00:10:51

عن عمرو بن مرة رحمة الله انه قال اذا مر علي مثل في القرآن لم افهمه بكثرة على نفسي وذلك ان الله عز وجل يقول وتلك الامثال نضريها للناس وما يعقلها الا العالمون - 00:11:19

اغلب الاشكال يأتي بسبب الاجمال ويأتي بسبب اللفظ المشترك هنا تختلف الانزار يعني مثلا لو سمعت قول الله عز وجل والمطلقات يتربصن بانفسهن ثلاثة قروء فالقرء هنا حيض يعني اذا طلقت المرأة - 00:11:47

تبأ العد من وقت حيضها ام من وقت ظهرها مذهب اهل الحجاز ان القرء ظهر وذهب اهل الكوفة ان القرء حيض والسبب في هذا ان هناك احاديث ان لفظ القرء لفظ - 00:12:20

مشترك يعني يحمل المعنيين جميعا وهذا مم هذا باب انفردت به اللغة العربية ان الكلمة الواحدة تفيد المعنى وعكس المعنى وانما يفرق بين هذا وذاك السياق وللعلماء قاعدة تقول السياق من المقيدات - 00:12:47

ودعوني يعني ابين هذا وان كان حاشية على الكلام فانها لا تخلو من فائدة آآ ابن الانباري له كتاب اسمه كتاب الاضاد الكلمة تدي المعنى والعكس. زي مسلا الظن الظن معناه الشك ومعناه اليقين - 00:13:16

اه كما قلنا يفرق بين هذا وهذا السياق قال تعالى ان يتبعون الا الظن وانهم لا يخرصون. يبقى الظن هنا هو الشك وقال الله عز وجل واستعينوا بالصبر والصلوة وانها لكبيرة الا على الخاسعين الذين يظنون - 00:13:42

انهم ملاقوا ربهم. فالظن هنا هو اليقين. لأن الشاك في لقاء الله لا يمدح وانما جاء الظن هنا ممدوها في الاية وكما قال تعالى اني ظننت اني ملاق حسابيا اي كنت على يقين انني سالقى حسابيا. فالظن هو الشك - 00:14:03

هو اليقين في ذات الوقت. كذلك الكلمة وراء وراء خلفي يعني وتفيد امامه اما انها تفيد خلف فهذا هو المصطلح عليه من الكلمة اما انها تفيد امام كذلك كما في قوله تعالى وكان وراءهم ملك يأخذ كل سفينة غصبا - 00:14:28

هو اذا كان وراء بمعنى خلف يبقى هم خلاص تجاوزوه فما هو الداعي لخرق السفينة؟ لا يبقى وراء هنا بمعنى امام كما ذهب اليه جماعة من المفسرين فاذا هذا باب انفردت به العربية - 00:14:56

اما ان السياق من المقيدات بهذه قاعدة في غاية الالهمة ليه ؟ لأن الكلام سياق وسباق ولحاق يعني صلب الكلام يسبقه كلام ويعقبه كلام وقد لا يتم المعنى الا بهذه الثلاثة - 00:15:13

فمثلا اه في قصة اه سليمان عليه السلام مع النملة لما قالت النملة ايه؟ لا يحظمنكم سليمان وجندوه وهم لا يشعرون بتسم ضاحكا من قولها الا يكفي ان نقول بتسم من قولها - [00:15:40](#)

وما دلالة هذه اللفظة ضاحكا؟ ما دلالتها قال لك التسم يحتمل تسم الغضب وتسم الرضا اما تسم الغضب فكما في حديث كعب بـ [00:16:09](#)

مالك في الصحيحين لما تخلف عن زوجة تبوك - [00:16:32](#)

ثم اظل قادما من تبوك وجاء المعدرون من الاعراب يعتذرون عن تخلفهم. قال كعب فلما دخلت المسجد فرآني تسم تسم المغضوب [00:16:58](#)

وقال لي ما خلفك وكما يقول ابو الطيب اذا رأيت نبوب الليث بارزة - [00:17:22](#)

فلا تحسين بان الليث يسم الليث اللي هو الاسد لو شفت سنانه بایینه ده ما بيضحكلكش. ده هياكلك دلوقتي اهو آآ طيب سليمان عليه السلام جمع بين الملك والنبوة فلما تسم هل يا ترى - [00:17:46](#)

وهو ملك كبير وتلك نملة لما قالت هذا الكلام تسم رضا ان تسم تسم الملوك الذين لا يسمحون الا ان يخاطبوا بصيغة الملك. ولا تقوى انفسهم ان يخاطبوا كما يخاطب العامة - [00:18:15](#)

فجاءت هذه اللفظة ضاحكا لتبيّن انه تسم تسم رضا زي السكوت احنا عندنا في الامثال السكوت عالمة الرضا جميل في في الصحيحين من حديث عمر بن الخطاب رضي الله عنه لما اشبع ان النبي صلى الله عليه وسلم طلق نساءه - [00:18:33](#)

فجاء الى حفصة وقال اطلقن رسول الله صلى الله عليه وسلم قالت لا ادري فجمع رداءه وانطلق الى المسجد واذا النبي صلى الله عليه وسلم معتزل في مشربة له ويقف على باب المشربة رياح - [00:18:58](#)

غلام النبي عليه الصلاة والسلام كان للباب قال عمر فلما دخلت المسجد وجدت رهطا يبكي بجنب المسجد فقلت لرياح استأذن لعمد فدخل ثم خرج وقال ذكرتك له فصمت قال فجلست بجانب المنبر - [00:19:19](#)

فغلبني ما اجد مش مستحمل يعني فقلت لرياح استأذن لعمد فدخل ثم خرج قال ذكرتك له فصمت قال فجلست بجانب المنبر ثم قلت استأذن لعمد فدخل ثم خرج قال ذكرتك له فصمت - [00:19:38](#)

قال قد صرفت وبينما انا عند الباب اذ ناداني فقال اذن لك. يبقى السكوت عالمة ايه عن المنع ولا عالمة رضا؟ عالمة منع خالص طيب السكوت عالمة رضا. الكلام ده صحيح؟ ايوة قال لك صحيح - [00:20:23](#)

قال صلى الله عليه وسلم وستأمر البكر قالوا يا رسول الله ان البكر تستحي اذا جه واحد يتقدم الله ليتزوجها. قال اذنها سكوتها. يبقى السكوت عالمة الایه؟ عالمة الرضا. يبقى انا اذا السكوت ممكن يبقى عالمة رضا وممكن يبقى عالمة ايه؟ عالمة منع. طب انا ايه اللي يعرفني بقى - [00:20:41](#)

بسكوت عالمة الرضا ولا مانع؟ السياق اذا السياق يقييد الكلام السياق عشان كده احنا ايه ده جبنا من اللفظ المشترك يكثير فيه الایه اللي يحتمل معنى وعكسه مثلا او يحتمل معنيين او اكثر من معنيين او الكلام ده. يبقى يوم يقول لك ايه يقصد كذا يقول لك لا ده يقصد كذا - [00:21:03](#)

من يظفر بالصواب الذي يراعي السياق اذا اكثرا الاشكال يأتي من الاجمال كلام مجمل فانت عايز تفك الكلام المجمل تبيّنه. فتقوم تقول له يحتمل كذا ويحتمل كذا اما المثل - [00:21:21](#)

فلا يدخله ذلك انما يضرب المثل ليبيّن الفكرة فلا يجوز ان يدخل في البيان عجمة. لازم يكون البيان واضح مثلا خذ هذا المثل يا ايه الناس ضرب مثل فاستمعوا له - [00:21:41](#)

ان الذين تدعون من دون الله لن يخلقوا ذبابا ولو اجتمعوا له وان يسلبهم الذباب شيئا لا يستنقذوه منه ضعف الطالب والمطلوب. ده واضح ولا فيه اشكال؟ ده بغایة الوضوح - [00:21:58](#)

يا ايها الناس استمعوا الى هذا المثل يا ايها الذين تعبدون من دون الله الـ اـ ايـاـ كانتـ هـذـهـ الـالـهـهـ اـيـاـ كانتـ هـذـهـ الـالـهـهـ انـ الـذـيـنـ تـدـعـونـ مـنـ دـوـنـ الـلـهـ لـنـ يـخـلـقـواـ ذـبـابـاـ وـطـبـعـاـ الـذـبـابـ مـذـكـورـ عـلـىـ يـعـنـيـ تـنـصـيـصـاـ فـيـ الـاـيـةـ دـيـ لـيـهـ؟ـ لـاـنـهـ رـزـلـ - [00:22:21](#)

كلنا بنكرهه. هو اسمه ذباب ليه؟ لانه نزل كلما ذب اب. ذباب. ذباب اب. كل ما تكرشه يرجع مرة تانية ولا يمل وتفضل تمشي فيه يرجرج

لك تمشي فيه لحد بقى ما تجيب منشة وتقتله وتسريج - 00:21:48

يبقى الذباب هنا لحقارته عقارات عندبني ادم طبعا ده يعني يعني زي مثلا ان انكر الاصوات لصوت الحمير من جهة ده ما لوش علاقة باستقامة الخلقت اه لان دى طبعا في جماعة دلوقتي مسلا برة جمعية اصدقاء الذباب - 00:22:08

اه فيه جمعية اصدقاء ذباب وجمعية اصدقاء الضفدع. يجيب الضفدعه وجمال الضفدعه وحلاؤه الضفدعه وهي مقرفة كده وتبرق لك كده والكلام ده. كل ده ايه؟ موجود هناك زي آآآ مسلا ابتسامة اجمل معزة ها؟ اه مش في مسابقة جمال المعيز وعینه المعيز وآآآ ملكة جمال المش عارف - 00:22:32

كانوا الكلام ده الله المستعان. فهو الذباب ده اللي هو ايه بقى؟ اللي هو الانسان يبنفر منه والكلام ده. هذا الذباب لو اجتمع الخلقت جميعا على ان يخلق لا يستطيعون. وطبعا اصل الخلقت الايجاد من عدمه - 00:22:57

يا جماعة الضعفاء العقول بقى والجماعة اللي هم بيعوموا على كل كلام. لما جت النعجة دولي ومش عارف ايه والكلام ده. قال لك بس استنساخ النعجة دول ما هم خدوا الخلية منين - 00:23:11

خدوا الخلية مما خلقه الله عز وجل. ومع ذلك هي كانت فاتحة معهم كده وعجزوا عملوا الوف التجارب عشان يطلعوه مرة تانية. ما يعرفوش يعملوا حاجة بيقول لك ايه استطاعوا ان يخلقوا هيخلقوا البنبي ادم بقى يستنسخوا من البنبي ادم عدة نسخ ومش عارف ايه والكلام ده - 00:23:22

فهؤلاء جميعا لو اجتمعوا جميعا على ان يخلقوا ذبابا لن يستطيعوا ان يخلقوا. بلاش مش هيخلقوا زياب ننزل في المثل شوية ننزل في اللي هم خلاص هم عجز ان يخلقوا - 00:23:40

في حاجة اخرى وان يسلبهم الذباب شيئا لا يستنقذوه منه. وانت بتاكل كده طبق الطبيخ وقفت عليه دبابة اخذت رشة كده لو جدع هات ولو مسكت الدبابة نفسها هتتعرف تطلع اللي بصيته - 00:23:56

ما تعرفش تطلع اللمسات حتى لو مسكتها ده لو مسكتها ضع الطالب والمطلوب ده بالعكس ده هم اكمل الله من الالهة التي يعبدونها انا مش فاهم دول اين ذهبت عقولهم - 00:24:14

يجيب حجر ويعده طب انت سمبع بصير متكلم مرید والحجر ليس فيه شيء من هذا. مين اللي يعبد مين بقى يعني انا مش فاهم يعني الاكمل الله هو الذي يعبد العدم - 00:24:32

شيء عجيب. يعني ولذلك الانسان لو وقف عند اسئلة القرآن لابد ان يسلم اسئلة القرآن مفحمة. ما لهاش غير جواب واحد بس. ان تسلم بالحق شوف في صحيح البخاري يقول جبير بن مطعم رضي الله عنه دخلت - 00:24:49

في فداء اسرى بدر كان جبير ابن مطعم انداك كان كافرا ودخل المدينة عشان يتفاوض مع النبي عليه الصلاة والسلام في شأن الاسرى الذين اسراهم في بدر فوصل المدينة وفي صلاة المغرب - 00:25:11

والنبي عليه الصلاة والسلام يصلى بالمسلمين قال فسمعته يقرأ ام خلقوا من غير شيء ام هم الخالقون ام خلقوا السماوات والارض بل لا يوقنون ام عندهم خزان سائل ربك ام هم المسيطرتون؟ قال فكاد قلبي ان يطير - 00:25:31

اربعتاشر امن دى سورة الطور اربعتاشر امن ما فيش ولا سؤال يستطيع المرء ان يجيب عنه لو اراد ان يجيب اجابة صحيحة الا اجابة واحدة فقط وهو ان الله عز وجل هو فاعل ذلك - 00:25:55

اذا الامثال عندهما يأتي المثل لابد ان تصفي اليه وتنظر الى طرفيه مثل له طرفا وتنظر ما هو المراد منك فالامثال اذا من باب الایه؟ من باب المبين. ما فيش فيه مثل غامض على الاطلاق - 00:26:16

نأتي الى المثل الذي هو حديثنا اليوم وغدا ان احيانا الله عز وجل والتقيينا بكم ضرب الله مثلا صراطا مستقيما. لازم عشان تفهم المثل لابد انك تتخيل المثل الصراط المستقيما طريق سكة - 00:26:37

وعلى جنبي الصراط صوران. ادي سور وادي سور والسور ده يعني احنا لو تصورنا هل المسجد ادي سور ادي الصراط اللي هو مساحة المسجد وادي سور وادي سور وفيهما في السورين ابواب مفتوحة زي ما انت شايف كده - 00:27:01

وعلى الابواب ستور مرخى. كل باب عليه ستارة. مشدودة عليه وفي اول الصراط من الامام داع يدعو اللي ماشين على الصراط
يبقى هو قدام وهم في الخلف يقول يا ايها الناس - 00:27:26

ادخلوا الصراط جمیعا ولا تتعوچوا وهناك داع اخر من فوق الصراط اذا ن فوق الصراط ده بيراقب اللي ماشي شايف كل اللي ماشي
على الصراط وداعا يدعو من فوق الصراط ادي الایه ادي المثل - 00:27:48

يبقى عندي طريق ابواب مفتوحة وداعين. داعي على رأس الصراط وداعي ايه؟ من فوق الصراط ادي الایه الرموز الخمسة اللي
موجودة في الایه؟ في في المثل ثم فسر النبي صلی الله عليه واله وسلم - 00:28:11

هذا المثل قال اما الصراط وهو الاسلام والصوران حدود الله والابواب المفتوحة محارم الله والداعي الذي يدعو على رأس الصراط
كتاب الله والداعي الذي يدعو من فوق الصراط هو واعظ الله في قلب كل مسلم - 00:28:32

هنرجع بقى للرموز الخمسة ونفسها الصراط هو الاسلام الاسلام محمد عشان كده قال لك السوران حدود الله اللي يطلع برة السورين
خارج السورين يبقى خرج من الاسلام انت عارف زي آآ ما بنمثل الدين الدين ثلاثة - 00:29:09

احسان وایمان واسلام. حديث جبريل ما الاسلام؟ ما الایمان؟ ما الاحسان انت تخيل وانت قاعد كده الثالثة دول عبارة عن تلات دوایر
متداخلة ادي الاحسان ادي الاحسان اهو وبعدين دائرة اوسع منها - 00:29:39

اللي هو الایمان دائرة اوسع منها الاسلام فان خرج من الاحسان وقع في الایمان وان خرج من الاسلام وقع في الاسلام. وان خرج من
الاسلام وقع في الفضاء الواسع الموضوع الواسع بقى اللي ما لوش حد اللي هو الكفر بقى - 00:30:00

يبقى اذا الاسلام محدد له قوانين الكفر ما لوش قانون اللي على مزاجك تعمله ما فيش حاجة بتتفق معك خالص عشان كده تشووف
سفیان الثوری بيقول ايه ؟ وكلام السلف كان كان كلام كده دهب - 00:30:23

كلمة منهم سبیکة مش فيه الواحد مننا يقعد يلت ويعجن ويروح ويطلع وينزل وتلاقي في الآخر عايز يقول كلمة واحدة بيفكرني
بربیعه بن ابی عبدالرحمن شیخ مالک انت عارف الاعراب زمان كانوا الواحد مسلا يقول الكلمة هي الكلمة - 00:30:42

ما يلتش كتير ولا يعجن ولا بتاع فربیعه اتكلم شویة كلام كده فظن انه فصیح عجبته نفسه يعني ويتكلم والاعرابي قاعد جنبه فکر
نفسه فصیح و بتاع فقام قال للاعرابي يا اعرابي ما تعدون الفصاحة فيکم - 00:31:01

قال قلة الكلام. قال وما تعدون العلم؟ قال ما انت فيه منذ الصباح مش عارف ايه عمال يلف حوالين الموضوع ومش عارف يجيبيه.
هو العرب كلمة ونص كلمة عايز يفرق ما بين البرد والحر. ايهم اضر علىبني ادم؟ - 00:31:19

البرد ولا الحر؟ لأشف هم قالوا ايه. قالوا بؤس والحر اذى الاذى عادة يطلق على الشيء اليسير لها لن يضروكم الا اذى لكن المؤس البرد
يدخل في عضمك ينشفك - 00:31:44

لكن الحر بتلزق وعرقان وخلاص زهقان. بس لكن ما تعيش البرد يموت يدخل في العضم زي ما قلت لك. كلمة زي دي خلصتنا من
الموضوع. القر تقدت تتكتك كده من البرد يعني. القر بؤس - 00:32:09

حر اذى الاثنين وعشان كده بقول لك ايه كان كلهم سبایب. شف سفیان الثوری بيقول ايه الحديث درج خلي بالك من المثل ده. ما
هو ده مثل برضو الحديث درج - 00:32:29

والرأي مرض فإذا كنت على الدرج فإذا كنت على الدرج احذر ان تزل قدمك فتندك عنقك وإذا كنت في المرج وسير حيث شئت عايز
يقول لك الناس رجال متبوع للوحي ورجل متبوع لهواه - 00:32:46

وما ثم الا وحي او هوی واحدة من الاثنين فلا تطبع ولا تطبع من اغفلنا قلبه عن ذكرنا ادي الواحد. واتبع هواه. وكان امره فرطا. يا داود
انا جعلناك خلیفة - 00:33:19

في الارض تحكم بين الناس بالحق ادي الوحي ولا تتبع الهوى. فيضلوك عن فان لم يستجيبوا لك فاعلم انما يتبعون اهواهم.
يستجيب لك ده الواحد فاما واحد ماشي تبع الوحي واما واحد ماشي تبع ايه تبع مزاجه تبع هواه - 00:33:36

فهو عايز يقول لك الناس رجال. رجل يمشي على الدرج نازل على سلم. الدرج اللي هو السلم فإذا كنت على الدرج احذر خلي بالك

من من الدرجة اللي جاية لان رجلك لو فلتت هتنزل على دماغك - 00:33:53

ينزل على دماغك هتموت اذا كنت بقى متبع للوحي اوعى اووعى واياك ان تعبد الله بهواك لابد ان يكون معك النص. عشان ما تقععش على ام رأسك تموت فيها اما اما الطائفة الاخرى اللي هم اصحاب الدامفة - 00:34:11

فيبيقول له والرأي مرض. المروج السهول الواسعة المنبسطة الارض المنبسطة. عايز تمشي بوشك تمشي تمشي بضررك تمشي تمشي على يمينك تمشي. على كيفك بقى. طالما ان ما فييش حاجة حد - 00:34:33

يحاكمك يعني وانت ماشي على مزاجك رح يمين شمال ارجع ورا اطلع قدام انت على كيفك ده ايه ده كلام سفيان رحمة الله عليه. فالاسلام عندنا محدد مش كده الاسلام ان تسلم لله عز وجل. على وفاق الوحي - 00:34:43

يبقى الصراط هو الاسلام. ميزة الصراط انه مستقيم. وان كان طويلا طب ميزة ايه انه مستقيم غمض عينيك بس سبت رجليك الاول. على الصراط وغمض عينيك وامش هتوصل بخلاف بنيات الطريق - 00:35:05

بنيات الطريق اللي هي الطرق الجانبية شف الرسول عليه الصلوة والسلام كما في حديث ابن مسعود رضي الله عنه قال خط رسول الله صلى الله عليه وسلم على الارض خططا طويلا - 00:35:26

وخط عن يمينه وشماله خطوطا قصارا ثم اشار الى الخط الطويل وقال هذا صراط الله واشار الى خطوط قصار وقال وهذه صورة الشياطين على كل صراط شيطان يدعوه اليه ثم تلا قوله تعالى وان هذا صراطي مستقيما فاتبعوه ولا تتبعوا السبيل فتفرق بكم عن سبيله - 00:35:40

ويعجبني كلام سعد ابن ابي وقاص رضي الله عنه لما حدثت الفتنة آآ المشهورة واعتلز سعد القتال مع جماعة من الصحابة زي محمد بن مسلمة زي عبدالله بن عمر رضي الله عن الجميع. اعتزلوا - 00:36:15

لا هو كان مع علي ابي طالب ولا مع معاوية ابن ابي سفيان رضي الله عن الجميع جماعة راحوا له قالوا له يعني ما الذي يعني جعلك لا تنحاز الى احدهما - 00:36:37

خلي بالك بقى من كلام وسعد كان مسدا قال ايه قال مثلكنا ومثل اخواننا كمثل جماعة كانوا في طريق ماشين كلهم على سكة واحدة. ده من ايام النبي عليه الصلوة والسلام. لحد ما حصلت فتنة طريقنا واحد - 00:36:51

فاظلمت عليهم واحنا ماشين كده الدنيا ضللت كده لا عارفين ايه نشوف قدام وقفنا مكانا كده فقال جماعة الطريق يمينا اجتهدوا فقام واحد يمين وقال جماعة الطريق يسارا واخذوا جهة اليسار وقلنا نحن لا نمشي حتى تنجي - 00:37:16

فلما انجلتken على الامر الاول ما فيش اي خلاف بين كل اللي ماشين ان النقطة اللي وقفنا عندها هي الصح اللي كلنا متفقين عليها اما الذين اخذوا يمينا اجتهدوا فاخطأوا مثلا. او الذين اخذوا شمالا اخطأوا آآ اجتهدوا فايه؟ فاخطأوا - 00:37:40

لكن كل الفريقين اللي خد يمين واللي خد شمال لا يشك اتنا اصوب منهم جميعا. ليه؟ لانتنا كنا عند النقطة التي اتفقنا جميعا على نهي الایه؟ هي الصواب يبقى الاسلام - 00:37:59

طريق مستقيم طويل النعم لكنه مستقيم انما الطرق القصيرة دي قال لك قصيرة ليه قال لك لان ايبني ادم يسلك غير طريق الله عز وجل قد يحقق ما اردت في الدنيا - 00:38:14

الراجل عايز يبقى غني لكن لازم يتعامل الربا والرشوة ويشتغل في المافيا مخدرات والحسبيش والافيون والبتاع والكلام ده ده هيجول يجيب فلوس اه كتير صحيح وهيحصل منا اللي هو عايزه في الدنيا - 00:38:35

بخلاف المؤمن نفسه يبقى غني ومش قادر ليه؟ لان طرق الحال مسدودة قدامه فيصبر على الجوع ويصبر على القلة ولا يعصي الله عز وجل كما قال صلى الله عليه وسلم الدنيا سجن المؤمن وجنة الكافر. سجن المؤمن يعني ايه؟ مش قادر يتحرك. نفسه - 00:38:56

آآ يعني آآ ابو زيد غني نفسه يتزوج نفسه مش قادر مش عارف يتزوج الامور غالبية وما فييش والكلام ده. لكن الزنا حرام نفسي باغاني الرشوة حرام. والقتل حرام - 00:39:22

واحد اغاظه جدا. وهو عصبي لأبياكل في نفسه يأكل في بعضه وما يرضاش يدي له الم ولا يضربه رصاصة ولا بتاع ليه؟ عشان في قصاص كما قال عمر بن الخطاب لا يشفى مؤمن غيظه في الدنيا ابدا. ما يعرفش يشفى غزاه في الدنيا - [00:39:36](#)

فيبيقى متكتف مش عارف يعمل حاجة بخلاف الكافر اللي نفسه فيه بيعمله من المفارقات ان واحد يهودي آآ كان في زمان الحافظ بن حجر العسقلاني صاحب كتاب فتح الباب لابس هدوم مقطعة ومهربدة كده و بتاع وحالته بؤس - [00:39:54](#)

والحافظ ابن حجر قاضي القضاة بقى و بتاع ولابس راكب البغة المطهمة وقدامه وجحش ووراه جحش ومش عارف ايه و بتاع الصورة بقى الایه هي بتاعة الناس الاكابر والكلام ده. والناس وراه وقدام و بتاع الله - [00:40:13](#)

هو ده قاضي القضاة وانا قاعد مهربد وقاعد على المسطرة كده ولا اكل ولا اشرب ولا اول ما الحافظ ابن حجر قرب منه قام قايم على طول واحد لجام البغة موقفه - [00:40:28](#)

فقال له يا شهاب الدين وده لقب الحافظ نبيكم يقول الدنيا سجن المؤمن وجنة الكافر انت اللي في الجنة وانا اللي في في السجن ليه؟
لان انا الدنيا مقطعة معي خالص اهو وانت بقى شف انت مسلم و بتاع ازاي الكلام ده يستقيم يعني - [00:40:43](#)

وقال انا بالنسبة لما ينتظري من النعيم في سجن وانت بالنسبة لما ينتظرك من العذاب ان مت على ذلك فانت في جنة هو الدنيا مقفولة على بتبقى مقفولة احيانا على اهل الايمان ومع ذلك مش قادر - [00:41:06](#)

مش قادر يعمل حاجة. ليه مسجون وده ده الصراط اللي احنا متكتف من هنا ومن هنا هذا السور وهذا السور حدود الله التي انزلها في كتابه واحنا عندنا حدود الله عز وجل - [00:41:27](#)

الامر والنهي والقدر الامر انك انت ما او جبه عليك ولم يكن هناك مانع يجب عليك ان تفعله والاوامر عندنا على ثلاثة انحاء في الاحكام الشرعية الخامسة الاحكام الشرعية كلها الامرین خمسة - [00:41:43](#)

والحنفية بيزودوا آآ قسمين على النهي يعني عندنا الواجب طبعاً الحنفية عندهم فرض واجب. عندنا الواجب والمستحب او المندوب والمباح والدين الحرام والمكروه ببقى اي امر يأريك اي امر لا يخرج عن واحدة من هذه الثلاثة - [00:42:06](#)

اما ان يكون واجبا اي ما طلب فعله من المكلف على سبيل الحكم والالزام واجب يعني لازم تعمله. ما ينفعش ما تعملوش ما ينفعش تكسر الكلام افعل يعني افعل. الا ان يكون هناك علة تمنع من ايه؟ من اداء هذا الواجب - [00:42:33](#)

المستحب ما ترجح فعله على تركه وكان مثابا عليه. المباح على يعني الكتاب بين العلماء هل المباح مأمور به ام لا لكن داير في باب الامر على اي حال يتفضل بقى النهي اما ان يكون حراما واما ان يكون مكروها. يا كراهة تحريمية يا كراهة تنزيهية على التفصيل المعروف. لكن الامر والنهي على اي حال ده - [00:42:48](#)

الامر الا يفتقدك حيث امرك والنهي الا يجده حيث نهاك. ثم بقى القدر وهو ان تصبر على المقدور ما يقدر الله عز وجل على المرء من المصائب والابتلاءات والمحن والكلام ده ببقى لابد ان يصبر المرء على ذلك وان يرضى عن ربه تبارك وتعالى والا يتسرخط - [00:43:12](#)

على مقدور آآ دي حدود الله عز وجل. الحدود دي او هذان السوران فيهما ابواب مفتحة الابواب المفتحة دي محارم الله طب ما فسلناش الستارة دي ايه قال لك الستارة دي - [00:43:31](#)

او انا هل الذي فهمته من مجمل النصوص يعني ان الستارة هي النص ولا تقربوا الزنا باب مفتوح ممكناً واحد وهو ماشي يقوم داخل من الباب يقول له ما خدتش بالي - [00:44:01](#)

مش ممكناً يدخل من الباب الا اذا شد الستارة ببقى عاًمد متعمد شد الستارة وعارف ان دي ستارة وعارف ان ورا الستارة باب ببقى الستارة دي هي تمثل النص المانع - [00:44:22](#)

الذى ينهاك انك انت تفعل بالإضافة لان الابواب لو لم يكن عليها ستائر فعلى الطريق هذا الطريق المستقيم اعداء كل واحد منتظرك على مرحلة من الطريق الاعداء دول الشيطان الرجيم - [00:44:39](#)

وشياطين الانس وشياطين الجن وفيه عدو عايش جواك هي النفس الامارة بالسوء ودي بينها وبين الشيطان من غير الاثنين يتعاونون

على اهلاك. تصور عدوا يتربص بك وهو جواك انت عارف النفوس ثلاثة - 00:45:01

النفس الامارة بالسوء والنفس الایه؟ اللوامة والنفس المطمئنة فالنفس الامارة بالسوء اللي قاعدة جواك دي الشيطان يقوم ايه يقوم بدي لها وهي تشتغل معك اللي يشعر بالمحنة دي حقيقة من ابتي بالوسواس القهري - 00:45:28

الوسواس القهري ده عبارة عن حالة تهجم على القلب بغير اختيار من صاحبه وتحول له الظنون او تقنعه بان الظنون ارادات يعني هو مسلا بيعمل ايه مشكلة اللي صاحب الوسواس القهري اول ما يسمع الادان يسمع شتيمة لربنا. تعالى الله وتنقيص - 00:45:51
والاذان ايه ده؟ وانت فاكر ده صح؟ قرآن ايه اللي انت عمال تقراه؟ ايش عرفك ان فيه قرآن اصلا؟ ايش عرفك ان فيهنبي؟ اسبت ان فيهنبي والكلام ده. بيص يلاقيه هو داخل في بعضه. خايف مرعوب. اشكال كل اللي عنده استاز قهري انه يخشى ان يموت على الكفر - 00:46:21

يقول لك دي وساوس جتنا. اقول له يا ابني دي وساوس يقول لي لأن دي جوة قلبي لأن انا معتقد يقوم يحول له الوسوس او يقنعه ان الوسوس ده اراده وعقيدة - 00:46:41
مهما تحاول تقنعه مش لا بيأكل ولا بيشرب ولا بينام ولا الكلام ده. وحياته واقفة بالكامل لدرجة ان المре لان بيتبلي بكل مرض عضوي اهون من ان بيتبلي بوسواس قهري - 00:46:56

لان بيظلم حياته بالكامل مين اللي عامل القصة دي مع الشيطان اللعين اللي برة ده؟ هي النفس الامارة بالسوء عمالة تتعاون مع الشيطان على اهلاك هذا المре اذا استطاع المре ان يفلت من عدو الثاني مستنيه على عقبة - 00:47:10
الطريق على مرحلة من الطريق كل مرحلة لازم فيه شيطان فيه عقبة جاية. وبعدين اللي كان لسة لابس له وش من شوية يقوم رايج على مرحلة قدام خالص فضلوا برضو - 00:47:30

بحيث لا يصل الى المنزل او يوصل متاخر. يقول لك اذا ما قدرتش اقتله واجبيه لي اكعبله على ما ادي له مقص كده يقع على وشه يمسح وشه والدم وبتاع اه يا جمبى اه يا رجلي اه يا مش عارف ايه اهوا كله عطلة - 00:47:45
بيعطله عشان ما يوصلش في في الموعد. المهم لازم ياخد منه اي حاجة انا لما يكون فيه طريق والاعداء على الرصد وهم كثر. والاعداء دول مش عايزين غير حاجة واحدة بس - 00:48:05

كلهم على بعضهم كده لا يريدون الا شيئا واحدا وهو هذه المضفة التي هي نفس ما فيك الا وهي القلب الشيطان اذا سدد سهما لا يريده الا قلبك. بس مش عايز اكتر من كده - 00:48:19

وهو ده المراد الاعظم لنا رجاء ان اغلاق الاجهزه المحمولة هذى يعني اصواتها اظن انها تشوش على الشيخ وكذلك فارجوكم وغدا وكل يوم تأتي في الدرس احرص زي ما بتخلع حذائك خارج المسجد اطفي تليفونك. هذا الامر الاول. الامر الثاني الشيخ لن يستمر طويلا ولن يستطيع ان يجib على كل الاسئلة - 00:48:40

انما سيكمل يعني ما تيسر من شرح الحديث. ثم سلنفي اسئلة الى وقت لاحق. ان يعني وفق الله تبارك وتعالى عند خروج الشيخ نرجو ونسدد الرجاء. ارجوكم يعني لا نتزاحم على الشيخ. كل واحد عايز يسلم وكل واحد عايز يحتضن وكل واحد يعني - 00:49:22
عايز ياخد نصيبيه من الشيخ فلم يبقى لناشيخ فارجوكم يعني هونوا عليه وخففوا عليه. ارجوكم اللي بيحب الشيخ يتركه ينصرف. ادعوا له بظهور غريب. ونحن يعني انا قلت قبل ذلك بالاصالة عن نفسي - 00:49:42

بالنيابة عن كل الحاضرين. نحن نحبه في الله ونشهد الله تبارك وتعالى على ذلك. امين. واعظم من هذا ان تدعوا له بظهور الغيب. لكن اه يعني عشان نعترض طريقه وخارجه كله - 00:49:55

يريد ان يسلم وكله يريد ان يحتضن الحمد لله رب العالمين والصلوة والسلام على نبينا سيد المرسلين وعلى الله واصحابه اجمعين آآ
كنت اقول ان الاعداء الذين ينتظرون المسلم على هذا الصراط - 00:50:05
ما يسدد احدهم سهما الا يريد انفس ما في هذا السائر الى الله تبارك وتعالى الا وهو القلب وهو المضفة التي قال فيها النبي صلى الله عليه وسلم كما في حديث النعمان ابن بشير رضي الله عنهما في الصحيحين آآ ان - 00:50:56

في الجسد مضغة ان صلحت صلح سائر الجسد وان فسدة فسد سائر الجسد الا وهي القلب في بعض اه اخوانى لما تكلمت عن
الوسواس القهري اه يبدو انه في مشكلة عنده او عند احد يعرفه. فهو يريد ان يعرف علاج - 00:51:19

الوسواس القهري حتى يتخلص منه. وده ان شاء الله يعني اجعله في اخر الكلام في اخر هذا الحديث غدا ان شاء الله تعالى اذا
طريقك ليس سهلا لا تفاجأ ان عدوا يعترض طريقا سواه كان وسوسانا او غيره - 00:51:39

فان الشيطان رفع قيرته على ربه تبارك وتعالى وقال ثم لاتينهم من بين ايديهم ومن خلفهم وعن ايمانهم وعن شمائهم ولا تجد
اكثرهم شاكرين وبعدين لما تتأمل عجز الاية تقف عندها قليلا - 00:52:03

اعلم ان اوسع ابواب الكفران ترك الشكر اوسع ابواب الكفران. ترك الشكر وترك الشكر هو الذي يوقع العداوة والبغضاء بين بنى ادم
حتى بين الوالد وولده الوالد موفر للولد ما يريد - 00:52:33

اه ويجي الوالد يعصيه او لا يقوم بواجبه يقول لي يا ابني انا عملت لك كذا وعملت لك كذا وعملت لك كذا! انت عملت
ايه؟ ليه يا ابني بتتكلفني ما لا اطيق - 00:53:05

الجيل الحالى جيل مستهلك لا يراعي المسئولية. ليس كاباوه اباوه اكثرا جدا منهم جيلي المحمول وآآ جيل الفضائحيات وآآ والجيل
المستهلك اللي هو بيتفاصل في الاستهلك المحمول النهاردة بالفين لأ عايز ابو ثلاثة ما ينفعش عايز ابو اربعة عايز ابو خمسة -
00:53:22

اذاي ابقي في وسط زمالي معي محاولة تلات اربع تلاف والواد معى محول وخمستاشر الف ولا بتاع اودي وشي فين؟ ها كأنها
فضيحة. يا ابني راعي زروفى انا بشتغل وردية وبشتغل اتنين وبشتغل ثلاثة. وانت عمال تستهلك. يا ابني ارحم الولد ما بيرحمس
تكرهه - 00:53:49

تكرهه مع انه ابنك. تكرهه الذي يوقع العداوة والبغضاء حتى بين الوالد وولده هو ترك الشكر الجحود والله در سفيان الثوري رحمه الله
بيقول ايه سفيان؟ بيقول نظرنا الى اصل كل عداوة في العالم - 00:54:07

فوجدنها اصطناع المعروف الى اللئام ما بيطرمش فيه ده اصل كل عداوة والرسول عليه الصلاة والسلام عندما اتى النساء في يوم
عيد وقال يا عشر النساء تصدقن فاني رأيتكن اكثرا اهل النار. قلنا لما يا رسول - 00:54:27

الله. قال تكفرن العشير وتكفرن الاحسان العشير اللي هو ايه؟ الزوج. ولو احسن الرجل اليكن الدهر ثم رأيتمن منه يوما سوءا لقلتن ما
رأين منك خيرا قط مسح جميل وباستنكة. وهو ايه؟ وهو سيدها وبعلها وشيخها - 00:54:46

زي ما بيقولوا السنون بتاع مفتاح الجنة بالنسبة لهم شوفوا النبي عليه الصلاة والسلام يقول ايه؟ لعل احداكن تطول ايمتها في بيت
ابيها فتسأل الله ان يرزقها زوجا صالحا فاذا رزقها تغضب الغضبة فتقول ما رأيت منك خيرا قط. عنست لحد بيقدم بتقول يا رب
نص راجل - 00:55:10

ها بس اطلع من العنوسه اللي انا فيها واطلع ويبقى لي بيت وابقى ست بيت وانا اللي صاحبة الكلمة في البيت ومش عارف ايه وبتاع
فاذا غضبت الغضبة معه تقول له لا ما رأيت منك خيرا قط - 00:55:35

هيحصل نوع من ايقاع العداوة ما بين الرجل والمرأة. السبب في ايه؟ يكفرن العشير ويكتفون الاحسان انا مش عايز برضه يعني برضه
بعض النساء بيقوموا يزعلوا انت بتيجي دايما تيجي على النساء ودايما تقول لي مش عارف ايه والكلام ده. لآ انا ده كلام النبي
عليه الصلاة والسلام مش كلامي - 00:55:50

هذا ليس كلامي هذا كلام النبي عليه الصلاة والسلام وليه ان المرأة آآ يعني سريعة الغضب سريعة النسيان بتسخدم الفاز العموم على
طول في كلامها انا ما شفتش منك يوم خير - 00:56:08

ما رأيت انت عارفين ما من صيغ العموم. واستخدم كله بتاع فاوسع ابواب الكفران ترك الشكر. عشان كده الشيطان قال ايه؟ ولا
تجدوا اكثراهم شاكرين لا يشكرون الله عز وجل - 00:56:21

مع ان المصيبة اذا الله عز وجل ابتلى عبدا بمصيبة تتمحض عن خير. انا اقول لكم حكاية حدست لي رجل اعرفه

الراجل ده ماتت امرأته وبعدين خرج من القاهرة ذاھب الى الاسكندرية علشان يقضي مشوار. وهو في الطريق - 00:56:40

عمل حادث ضرب بنت في الطريق البنت ما ماتتش المهم خدوه لقسم الشرطة وبتاع بات ليلة فزع علان جدا وبتاع انه يعني اتبهدل يعني والكلام ده فراح عشان ياخد مسكنه في القاهرة عشان يجيبي بعض اوراق - 00:57:04

آآ علشان يكمل يعني المشوار. وجد سقف غرفة النوم سقط على السرير ده لو بایت ليلتها ده ده ما عندوش حد ، ولاده متجموزين ومراته ماتت وهو لوحده ده كان عفن. ما كانواش اكتشفوا اكتشفوا ان هو مات الا اما تطلع ريحته - 00:57:24

فلما رأى المنظر خر ساجدا ان ربنا انجاه. طب ما تخر ساجدا من الاول يعني مش لازم تحصل كارسة عشان تعرف ان الله لطيف. ان الله لطف بك. بعض الصحفيين المشهورين - 00:57:47

آآ قرأت له مقالا سنة اربعة وسبعين ايام ما كان فيه آآ كاس العالم ما بين هولندا والمانيا والكلام ده. وهو بقى كصحفي يعني كبير صاحب مؤسسة صحفية كبيرة والكلام ده ما بيرو حش زي بقية الناس يعني. بيروح على اخر لحظة يركب يعني. المهم برضه معتمد على القصة دي وبتاع. المهم ايه - 00:58:05

الكاوتش فرقع في السكة منه على السائق نزل وصلاح الكاوتش وعمل وبتاع والكلام ده. كانت طائرة ماشية على المدرج بقى عشان تطير. رجع البال وحزين وهيبقى زي الجمنهور هيشفوف الایه؟ يشوف بقى الماتش زي خلق الله في التليفزيون وبتاع زعلان كان عايز يشوفه شخصيا. يشوف الماتش شخصيا يقعد في - 00:58:25

درجات والكلام ده المهم طبعا ايه شاف الماتش وبتاع والكلام ده وهو طبعا الساعة ستة قبل كل الموظفين بيكون هو موجود في الدار بيلاقي العدد الاول محظوظ على المكتب والكلام ده واذا به يجد في الصفحة الاولى ان الطائرة التي كان سيريد ان يستقلها ارتطمت بجبل من الجبال ومات كل من فيها. قال احمدك يا رب - 00:58:45

ليه الانسان لا يؤمن حتى يرى العذاب الاليم ما هو الواحد يجلل هذا الكلام مع حسن الظن في الله عز وجل. سوء الظن في الله. ما هو ده من الكفران. ما هذا من الكفران. كل مصيبة الم - 00:59:07

بك فجلتها بحسن الظن انقلبت رضا وكانت برقة عليك انا دلوقتي الله عز وجل لم يقدر لي الحاجة الفلانية. دول لعله خير لعله خير. جاي من ورا. ما انا ما اعرفش ايه اللي ورا. يعني انا احكي لكم قصة انا كنت احده اطراها. في آآ شاب كان - 00:59:23

يعني من آآ بلدنا وآآ هل ده يتيم وكان عنده ثقب في القلب وكان عنده تقربيا شبه شلل ما يعرفش يمسك الكوبية بایده ولا يرفع ولا ينتفع والكلام ده المهم آآ ربنا عز وجل قيد له بعض اهل الخير بدأ يعمل علاج طبيعي وي تعالج والكلام ده عوفي - 00:59:46
كان سنه تسع سنين لما كان آآ مريض بهذا المرض وهو ابن تلتasher اربع تاشر سنة. آآ عوفي وبدأ يعني ايه بيقى عنده قوة وبتاع. طلع الى آآ بلد من البلاد العربية - 01:00:07

عشان يشتغل في ذلك الوقت وكان بيشتغل في الاسمنت في البناء يشيل القصعة المونتا ويطبع الدور اللي مش عارف ايه ده سبحان من يحيي العظام وهي رميم. هذا الشاب لم يترك فاحشة الا فعلها - 01:00:21

في هذا البلد بيقى عجزه كان رحمة ولا اعجزك الرحمة العجز عن معصية الله نعمة كما قال صلى الله عليه وسلم يأتي على الناس زمان يخير ما بين العجز والفجور - 01:00:39

اذا خير احدكم بين العجز والفجور فليختر العجز بدالة لو كان فضل على كرسي طول عمره كده كان احمد لعاقبته مثلا على الاقل فيما يظهر يعني لنا من ارتكاب الفواحش والى اخره - 01:00:55

فيبيقى الانسان اذا اصابته مصيبة في نفسه او في ولده او في ماله قال لعله خير انقلب ذلك الى رضا وهو ده الواجب. انا عند ظن عبدي بي فليظن بي ما شاء. كنت تظن انه سيشكوك سيكون لك عند ظنك - 01:01:10

ان كنت تظن انه سيرحمك سيكون لك عند آآ سفيان الثوري بيقول نزدنا الى اصل كل عداوة في العالم فوجدناها اصطناع المعروف الى الان. فالشيطانة ولا اتي ثم لاتينا ومن بين ايديهم ومن خلفهم وعن ايمانهم وعن شمائهم. ما جابش جهة فوق ولا تحت - 01:01:33

بعض العلماء بيعمل هذا يقول لأنها تحتفو جهة الخسف فما يحطش نفسه بقى في المكان اللي ممكن يخسف به. قل هو القادر على ان يبعث عليكم عذابا من فوقكم او من تحت ارجلكم. فجهة الخسف - [01:01:56](#)

العادة ان العباد ما بيطلعوش لا فوق ولا يغتصبوا الارض. العادة ان كل تحركاتهم تكون في الجهاد الاربعة. اينما يممت وجهك اذا ستجد شيطانا على الرصد مستنيك. اما شيطان الجن واما شيطان الانس - [01:02:11](#)

اخطر النوعين شيطان الانس لشيطان الجن يستعان عليه بالله اول ما تقول اعوذ بالله من الشيطان الرجيم ما تلقيهوش لكن شيطان الانس تقرأ عليه القرآن كله يقول لك انا ها هنا قاعدون. ما بيقومش. ده شيطان الجن. اول ما تقول اعوذ - [01:02:28](#)
بالله من الشيطان الرجيم ما تلقيهوش ومن رحمة الله عز وجل آآ انه انه قال انه يراكم هو وقبيله من حيث لا ترونوه انت عارف دي نعمة لا يكاد يشعر بها الا من تأمل الاية واعطاها حقها في التأمل - [01:02:54](#)

انه يراكم هو وقبيله من حيث لا ترونهم انت عارف انت لو بتتشفو الشيطان على حيطه يومت من الرعب فجأة تلقيه كده راسه في السما ومال الدنيا مسلا ناموا قد كده ومش عارف ايه قد كده وبتاع والكلام ده. انت بتترعب حتى لو كنت مؤمنا - [01:03:24](#)
لكن انت ما بتتشفووش فعلى قدر ايمانك يصغر وتستطع ان تقاومه يبقى انت يبقى عدم رؤيتك للشيطان من اجل نعم الله عليك بخلاف ما لو اعترضك ورأيته هتبقى مشكلة بالنسبة لك حتى لو كنت من اهل الايمان. انت عارف اهل الايمان ممكن يخاف من اي غاش ظلوم ممكن يخاف من قاطع طريق ممكن يخاف من اي حاجة - [01:03:47](#)

هيبقى لما نقرأ انه يراكم هو وقبيله من حيث لا ترون دي برضو معدودة من النعم التي انعم الله عز وجل بها على الموت. يعني يستعان على الشيطان الله تبارك وتعالى - [01:04:16](#)

كما في اه الحديث حديث النبي صلى الله عليه وسلم اه اللي هو ايه في وصايا يحيى ابن زكريا. الوصايا الخمس ليحيى ابن زكريا.
من ضمن الوصايا الخمسة ليحيى عليه السلام - [01:04:28](#)
زكريا عليهما السلام قال وامركم بذكر الله فان مثل ذلك يذكر الله تبارك وتعالى كمثل شيطان طلبه العدو سرعا
في اثره فاتى جنة حصينة فاحترب بها - [01:04:38](#)

وان العبد لا يحرز نفسه من الشيطان الا بذكر الله عشان كده شرعت الاذكار الموظفة اللي ما بيقولوش اذكار الصباح ولا المساء ولا الاذكار الموظفة دي الموظفة التي لها اوقات معينة توظف وتقال فيها. دول خسرانين بيحسروا كتير - [01:05:05](#)
الموزفة دي انما آآ شرعت لحمايتك ولو تأملت معاني الاذكار الموظفة ستجد عجبا خذ مثلا ذكر اذكار الصباح والمساء لما بتقول مثلا
اصبحنا واصبح الملك لله والحمد لله ولا الله الا الله. والله اكبر ولا حول ولا قوة الا بالله - [01:05:26](#)

اصبحنا واصبح الملك لله انت لك. ايه بقى ولا حاجة دي شهادة فقر موثقة انت فقير رسمي ما تمتلكش حاجة خالص وده فيه نوع من الاستعطاف يا رب لك الملك كله وانا ليس فيه شيء - [01:05:55](#)

فانا محتاج اليك لا استغني عنك طرفة عين يبقى لما تكون انت عبد بالنظام دهوت تفترى ليه ماشي على رقاب العباد ليه ده انت لو جالك شوية مغض هتعض الارض - [01:06:24](#)

اعرف ان انت عبد ولابس لبوس العبودية فلم نفسك من اي جبروت اي فرعنة ده بخلاف رسم العبودية بخلاف رسم العقود انت لم تخلق الا تكون عبدا. تيجي تمارس دور غير دور العبد بتفشل. ما تعرفش تعملها. يذل - [01:06:42](#)

المرض ويقهرك الموت يبقى خالص انت يا دوب لسة بتفتح عينيك تقول يا رب لك الملك كله وانا ليس لي فيه شيء فانا محتاج اليك.
فقير. اصبحنا واصبح الملك لله - [01:07:04](#)

الحمد لله على ايه بقى الحمد لله على ان الملك له وليس لغيره. قل لو انت تملكون خزائن رحمة ربى اذا لامسكم. خشية الانفاق.
وكان الانسان قطورا ده لو الملك ده مع حد كنا ارقنا ماء او جهنا كل لحظة - [01:07:22](#)
لكن تبعض تلقي العبد يعصي ويدي له ومش كده بس العبد يسقط في حماة العصيان حتى يصل الى القاع فيتفضل الله عليه ويرفعه الى قمة الولاية كمان مع انه ايه؟ مع انه نازل في الارض - [01:07:44](#)

يرفعوا الى قمة الولاية ثم هو الغني الذي ليس لغناه منتهى يعني النظام العالمي الجديد والكلام ده لو حب يعمل تكييف مركزي للعالم يعرف بكل هذا الجبروت والاموال والكلام ده يعرف يعمل ترتيب تكييف مركزي للصحراء ما يعرفش يعمل الكلام ده. شف الشمس بتعمل ايه - 01:08:06

في دقائق معدودة تبقى عمال تنفسك من هدومك ان هذا لرزقنا ما له من نفاذ. شف كلام النبي عليه الصلاة والسلام قال يد الله يد الله ملأى سحاء ينفق كيف يشاء. انظر اليه كم انفق منذ خلق السماوات والارض - 01:08:34

ما فيش رقم. الارقام بتنتهي. ما فيش رقم. ما تعرفش تدي رقم النهاردة لو واحد عنده مسلا آآ خمس ست فدادين على شارع عمومي ولا حاجة بيبقى هيتفجر بالكبد مش عارفين نقول له سلام عليكم. ودا يمتلك ايه في الكون دا على بعضه - 01:08:58 شبر قد كده مش عارفين نكلمه ويكلح وشه كل شوية حتى بالرغم انه بيدي اموال الزكاة. يعني لازم يطلع اموال الزكاة. يدي اموال الزكاة. وهو بيدي اموال الزكاة. يقولوا له انا شايفك اول امبارح. انت كل ما اطلع تشوف خلقتك - 01:09:16

عارفين والكلام ده وبتاع شوف قل لو انت تملكون والله العزيم الذي يعرف رب العالمين بصفاته لا يستطيع ان يعصيه لا يستطيع قلبه ان يقوم في مشهد العصيان لو ادي للسماء الحسنى حقها من التأمل والعمل - 01:09:30 الحمد لله ان الملك له لا لغيره ولا الله الا الله دا شهادة التوحيد. انا لا اشرك بك شيئا. دا على الصبح وانت لست ممدد جتنك على سرير بس فتحت عينك يا دوب - 01:09:56

فتحت عينك. قمت قايل الكلمتين دول شف لما تيجي تنام يعني اذا اول مذكور لك هو الله واخر مذكور لك هو الله اهو ده بقى علامة الحب. انت بقى هتنام كما في حديث البراء - 01:10:14

حط ايدك كفك اليدين ده تحت خدك زي ما النبي كان بيعمل بالزبطة ما تقوليش احطها ليه ؟ ها هي دي بتنمل ولا مش عارف ابتدى حطها قل الاذكار وافرد ايدك زي ما انت عايز. وديها في الحنة اللي انت عايزها - 01:10:34 لكن زي ما النبي عمل تعلم بالزبطة. ها بعض الناس بييجي يقول لك ايه طب آآ انا ولد لي ولد وبتاع لازم احلق له شعره. مسلا اصل آآ فروة راسه طرية اصل مش عارف ايه اصل اصل. وبعدين هو يا سيدى شعره هيطلع قد ايه كم جرام ؟ يعني ادفع بزيادة. القصة مش قصة تدفع بزيادة. ممكن يكون ده بركة على دماغ الولد - 01:10:51

زي ما يقول لك نفذ شوف رافع ابن خديج كما في صحيح مسلم قال اتاني بعض عمومتي فقال كان كان زمان كراء الارض مباح انك انت ارض تأجرها لحد يزرعها والكلام ده. وبعدين منعها النبي عليه الصلاة والسلام. وبعدين اباها - 01:11:11 زي كنتم نهيتكم عن زيارة القبور فزوروها. بيقى كانت قبل كده مباحة وبعدين حرمتو وبعدين ابيحت. ماشي طب انا راجل عندي ارض لما ما اجرهاش ما انا هاخسرها. بيقى دي خسارة لي ولا لأ ؟ خسارة لي - 01:11:39

شف بقى شف بنشوف منزور الصحابة قال رافع ابن خديج رضي الله عنه اتاني بعض عمومتي فقال نهانا رسول الله صلى الله عليه وسلم عن شيء كان لنا نافعا وطاعة الله ورسوله انفع - 01:11:54

هو ده المنزور. انت بقى تحط ايدك ده تحت خدك اليدين وتشوف بقى وجهت وجهي اليك. الاذكار دي كلها معاني جميلة وجهت وجهي اليك والجأت ظهري اليك وفوضت امري اليك - 01:12:12

رغبة لا منجى ولا منجى الا رغبة منك اليك لا منجى ولا منجى الا اليك امنت بكتابك الذي انزلت بنيك الذي ارسلت طيب انت دلوقتي هتنام ضامن يصبر عليك الصبح - 01:12:35

طيب بيقى كانك تقول اللهم ان كنت قضيت ابني ساموت فقد وجهت وجهي اليك وان كنت قضيت ابني ساعيش فاحمي ظهري عشان كده قال والجأت ظهري اليك. طب الجأ ظهره من ايه ؟ الله من الشيطان - 01:12:51

ما هو الانسان لا يفتال الا وهو نائم انت وانت صاحي عمال تذكر ربنا عز وجل. اذكار الصباح تشوف الريح البرق الرعد تشوف مبتلى تشوف شجر تشوف شعر مش عارف ايه. كل حاجة لها ذكر - 01:13:19

طول ما انت ذاكر الشيطان مش عارف يقرب منك فاذا نمت القيت سلاحك مين يحميك بقى عشان كده انت تحتاج لحماية. وبعدين

لما قال النبي صلى الله عليه وسلم والجأت ظهري إليك لأن المرأة لا يؤخذ غيلة ولا غدرا إلا من - [01:13:33](#)
خلص يطعن من الخلف الشيطان يستغل الفرصة وانت القيت سلاحك يقوم يغتالك طب انا محتاج يا رب وانا مستيقظ انا ذاكر. طب اهمني بقى. انت عارفين حديث ابى هريرة في صحيح البخاري. حديث الشيطان وتمر الصدقات وبتاع - [01:13:52](#)
الشيطان قال لابى هريرة ايه اذا اويت الى فراشك فاقرأ آية الكرسي فايه آلا يزال عليك من الله حارس حتى تصبح. اول ما تقرأ آية الكرسي قبل ما تنام يقف ملك يحميك - [01:14:12](#)

لحد ما تفتح عينيك وتستأنف الذكر مرة اخرى. يبقى طول ما انت نايم انت محتاج لايهد؟ محتاج لحماية. عشان كده قال والجات ظهري اليك وبك امري اليك التفويف درجة فوق التوكل - 01:14:29

بعض اهل العلم يقول لك لأن التوكل فوق التفويف او هم الاتنين زي بعض ما يستغنووش عن بعض.انا ما بدخلش في التفصيل ده. لكن انا عايز افرغ تفريق اصطلاحى - 01:14:47

لابين المعنى مع قطع النزد عن الخلاف الموجود بين العلماء في المسألة دي هنقول التوكل يكون بسبب وبغير سبب التفويض يكون عادة بلا سبب مع فقد الاسباب عفوا فقد الاسباب بالكلية - [01:14:57](#)

يعني الجماعة اللي هم آآ ربنا عز وجل امتحنهم السفينة اللي غرقت في البحر الاحمر بعض الذين نجوا هل كنت اقرأ عن ظلمات البحر ما عرفتهاش الا اما وقعت في البحر بالليل الساعة اتنين بالليل - [01:15:18](#)

انت ممكن تفضل ماشي بمحاذة الشاطئ - [01:15:42](#)

انت عارف انت رايح فين ويبقى الانسان غرقان. فقد الاسباب تماما ده التفويض عارف زي صاحب الخشبة واحد الخشب اللي هو الحديث اللي في صحيح البخاري فلما بتقول فوشت امري اليك اي انك اذا نمت فقدت الاسباب كلها لان النوم نوع من انواع الموت -

طبعاً يعني أحاديث النوم أخو الموت واهل الجنة لا ينامون الحديث ضعيف لكن الآية في سورة الزمر الله يتوفى الانفس حين موتها والتي لم تتم في منامها. فيمسك التي قضى عليها الموت ويرسل الاخرى الى اجل مسمى - [01:16:27](#) معنى الآية الله يتوفى الانفس حين موتها. يتوفى الانفس كل الارواح بتتصعد ترك الجسد وتصعد الى فوق فيمسك التي قضى عليها الموت. فلا: ده خلاص. هيموت وحده ما ت حعلوش. خلاص. صا، حثة - [01:16:43](#)

والثاني لسه له اجل لسه له اجل معدودة ويرسل الاخرى الى صاحبها الى اجل مسمى لحد ما ييجي الايه؟ لحد ما ييجي الاجل. فهم الاثنين نايمين جنب بعض وواحد واحد لسة روحه هترجع له مرة اخرى - [01:17:02](#)

فانت لما تستشعر المعانى الموجودة في الذكر داهو واحد بالك آآ يوم يحصل عندك نوع من الانتعاش القلبي فذكر الله عز وجل هو حياة القلب. لما يكون واحد اهمل الاذكار الموظفة. لا اذكار الصباح بيقول ولا اذكار المساء بيقول ولا الاكل حتى بيقول [01:17:15](#) - يعني واحد قاعد على سفرة فيها من كل الوان الطعام والشراب. يا اخي الا تهتف باسم الذي الذي رزقك اداك كل ده مش حتى تقول اسمه حتى كنوع من انواع الشكران انك انت بتشكر في الوقت الذي حرم غيرك وبعدين مش كده بس ده انت بتاكل واعانك على تصريفها. رح قسم - [01:17:39](#)

الفشل الكلوي في المستشفيات المصاب بالفشل الكلوي ربنا يعافي كل مريض. ويغافلنا واياكم ويعني يعني آآ يعني يعنينا على شكر العافية. بيبقى ازا شرب بق مية مش هيطلع من جسمه الا بالمكنة - [01:18:03](#)

ويبيقى اسيير الغسيل تلات تيام يغسل في週間 والم肯ة لما بتاخذ بتاخذ كل حاجة آآ اي سائل نافع او غير نافع. يطلع من الغسيل هفتان مش شايف قدامه. لازم ياخذ حقن ويأخذ مقويات - [01:18:24](#)

ويأخذ اكل ويأخذ بتابع وما يعرفش يأكل اللي نفسه فيه. ولا يشرب اللي نفسه فيه. ليه؟ اي مية اي سائل زيادة بيتحزن في الجسم لحد ما تطلع الم肯ة ده انسان بيدخل الحمام. يعني دخول الحمام - [01:18:39](#)

لما بتخرج من الحمام بتقول ايه غفرانك. يعني ايه غفرانك؟ يعني استغفرك لتقصيري لانك لو عاقبتي بقصيري لحبست في البول يعني انا لا استحق هذه النعمة في ثوان معدودة تقضي حاجتك وتخرج - [01:18:54](#)

في القصة المأسورة اللي بيحكوها عن ابي آآ يوسف وهو مع الرشيد وبتكلمه بسبب قضية معروفة يقال اخر العصر شوية بناء الكلام ده قال امير المؤمنين ارأيت اذا كنت في صحراء شاسعة واستبد بك العطش؟ حتى كادت ان تندك عنقك من العطش. فجاء رجل بکوب ماء وطلب - [01:19:13](#)

ثمنا لهذا الكوب. كم تعطيه؟ قال اعطاه نصف مملكة. قال طيب شربته وبعدين ما عرفتش تصرفه جا لك طبيب قال لك اصرفه لك. وتدبنيي كم؟ قال النصف الاخر قال مملكة لا تساوي شربة ماء. الله سقاها مجانا وصرفها لك مجانا - [01:19:33](#)

فعشان كده الانسان لما يطلع يقول غفرانك اه نوع من الشكر ازكار الموزفة كلها انما الاصل فيها احياء القلب وامركم بذكر الله. فان مثل ذلك كمثل رجل طالبه العدو سراغا في اثره فاتى جنة حصينة فاحترز بها من الشيطان وان العبد لا يحرز نفسه من الشيطان - [01:19:52](#)

الا بذكر الله تبارك وتعالى. وللحديث بقية غدا ان شاء الله تعالى - [01:20:17](#)